

Fylkesting for ungdom 2018

Fylkesting for ungdom (FFU) er ungdomen i Sogn og Fjordane sitt øvste talerøyr. FFU skal arbeide for å ivareta ungdom sine interesser i fylket, for å auke samfunnsengasjementet hos ungdomen og for å fremje ungdomsmedverknad. Sakene til dagsorden ved FFU skal vere fylkesdekkande, lokale saker vert handsama av ungdomsråda i kommunane. Fylkesting for ungdom vert arrangert av Sogn og Fjordane fylkeskommune og ungdomspolitisk utval i Sogn og Fjordane.

Tingsetet vert arrangert éin gong i året og representantane kjem frå ungdomsråda, dei politiske ungdomspartia og dei fylkesdekkjande ungdomsorganisasjonane. Representantane kan vere mellom 13 og 23 år og vert valde av ungdomane i kommunen, partiet eller organisasjonen.

Alle ungdomar i fylket, i alderen mellom 13 og 23 år, kan ta opp saker til FFU. Sakene vert handsama av arbeidsorganet til FFU, [ungdomspolitisk utval \(UPU\)](#), i forkant av tinget og dei må vere UPU i hende minst éin månad før tingsetet. UPU set opp sakliste basert på innkomne saker og saker det vil vere naturleg å ta opp.

Ordensreglar

Arrangementet er rusfritt. Dette gjeld for alle deltakarar, uavhengig av alder. Deltakarar som bryt kravet om rusfritt arrangement vert sende heim, på eiga rekning. Dersom deltakaren er under 18 år vert føresette varsla av fylkeskommunen, som arrangør av fylkesting for ungdom. Alle deltakarar er gjestar på Thon Hotel Jølster, og skal fylgje det reglementet som er der, både med omsyn til nattero og branntryggleik.

Om programmet

Programmet for årets fylkesting ligg ved invitasjonen. I hovudsak vil alle fylkesting for ungdom innehalde ein gruppediskusjon om eit aktuelt tema, der berre ungdomane som deltek på FFU får høve til å tale. Etter dette følgjer ein generaldebatt, der vaksne politikarar frå fylket får høve til å ta del i debatten. Deltakarane på tinget avgjer sjølv kva saker dei ynskjer å ta opp, men UPU meiner ein helst bør drøfte saker på regionalt nivå. Det vil seie saker som dei fleste deltakarane på tinget kan få høve til å diskutere, utan at dei er for lokale.

Vanlegvis har alle observatørane, under ein fastsett alder, fått både tale- og framleggsrett ved tingseta. Her kan ein vere merksam på at det er tingsetet sjølv (delegatane) som gjer vedtak om dette, etter at tinget er sett. Delegatane i salen har røysterett i alle saker, med mindre dei er ugilde.

Dei sosiale aktivitetane som skal vere om kvelden, vert styrt av ungdomspolitisk utval (UPU). Målet er å få til eit godt fellesskap, som gjer det lettare for deltakarane å ta ordet i debattane. I tillegg er det å byggje nettverk på tvers av kommunegrensene eit heilt sentralt mål med FFU. UPU oppmodar alle deltakarane om å vere med på dei sosiale aktivitetane, men det er ikkje eit krav. Det vil vere alternative aktivitetar for dei som ikkje ynskjer å vere med på leikane.

Praktisk informasjon

- **Dato:**
fylkesting for ungdom skal vere på Thon Hotel Jølster, Skei i Jølster, frå fredag 6. til søndag 8. april 2018. Start fredag kl. 18:00 (registrering frå 17:45), avslutting med lunsj kl. 13.00 – 14.00 søndag.
- **Samtykkeskjema:**
alle deltakarar på FFU må sende inn signert samtykkeskjema for at dei skal få delta på fylkesting for ungdom. I samtykkeskjemaet kan ein gje melding om det er noko vi skal ta særleg omsyn til t.d. når

det gjeld mat, rørslehemming osv. Her gjer ein også tilbakemelding om reiseforsikring, og at ein har sett seg inn i reglar og generell informasjon om fylkestinget. Mindreårige deltakarar må ha signatur frå føresette. Også myndige deltakarar skal signere på skjemaet og stadfeste at dei er orientert om og godtek reglar og annan informasjon om FFU. [Samtykkeskjemaet finn du her](#).

- **Kostnader for reise og opphald:**

For delegatar og observatørar frå ungdomsråd er det kommunane som dekkjar reise og opphald, difor er det berre kommunen som skal melde på deltakarar frå ungdomsråda. Fylkesdekkjande organisasjonar og politiske ungdomsparti dekkjar reise og opphald for deltakarane sine, dersom ikkje anna er avtalt mellom organisasjonen/partiet og deltakaren.

Deltakarane må sjølv syte for transport til og frå fylkesting for ungdom. Ta gjerne ta kontakt med UPU eller fylkeskommunen om det skulle vere vanskeleg med transport, men ansvaret ligg på deltakarane. På tinget vil det vere PC tilgjengeleg for å søkje opp bussruter.

- **Opphald:** Alle deltakarane vert i utgangspunktet plassert på dobbeltrom med ein annan av same kjønn. Så langt som råd vert deltakarane plassert på rom med nokon dei kjenner frå før, og med nokon som er i omtrent same alder. Dersom det er særskilde grunnar til at ein deltakar treng enkeltrom kan kommunen/partiet/organisasjonen eller deltakaren sjølv ta kontakt med Guro Høyvik i fylkeskommunen for nærare avtale (adresse og telefonnummer står nedst i brevet). Det vil då bli eit tillegg i prisen. Pris pr. deltakar for opphald og mat finn du i invitasjonen og på fylkeskommunen sine nettsider.

- **Delegatar og observatørar:**

i utgangspunktet kan kvar kommune sende to delegatar og to observatørar mellom 13 og 23 år. Dei mest folkerike kommunane kan sende fleire delegatar, sjå eige oversyn over det på fylkeskommunen si nettside. Fylkesdekkjande ungdomsorganisasjonar og politiske ungdomsparti kan sende to delegatar og to observatørar. Pga. avgrensa plassar vil påmelding for delegatar bli prioritert dersom det vert mange påmelde. Meir informasjon finn du i [vedtektene for fylkesting for ungdom](#).

Kontaktinformasjon

- Ungdomspolitisk utval Sogn og Fjordane
v/ leiar Ole Martini
mobiltelefon: 413 93 028
e-post: ungdomspolitiskutval@sfj.no
- Sogn og Fjordane fylkeskommune,
v/ rådgjevar Guro Høyvik
415 30 608 (993 65 299)
guro.hoyvik@sfj.no
Postadresse: Sogn og Fjordane
fylkeskommune, Pb. 173, 6801 FØRDE
- Thon Hotel Jølster
6843 Skei i Jølster
tlf. 577 27 800

All informasjon om fylkesting for ungdom 2018 finn du på fylkeskommunen sine nettsider:

<http://www.sfj.no/fylkesting-for-ungdom>.

Ungdomspolitisk utval Sogn og Fjordane på Facebook:

www.facebook.com/Ungdomspolitisk-utval-UPU-136705536383630/

